



*MAGNIFICIS, NOBILISSIMIS, AMPLISSI-
mis & Prudentissimis*

DNN. DUUM VIRIS,

Consulibus, ac Senatoribus Inclytæ
Imperialis Reip, Ullmensis.

Dnn. & Patria Patribus observantissimis.



Ullm observationes meas Medicinales, Viri
Magnifici, Nobiliss, Ampliss, & Prudentiss,
quas antè decennium, à Filio meo Johan.
Stephano, facultatis Medicæ Studioso, ex-
oratus, concipere cæpi, etsi ille dudum, ex
divina dispositione, inopinatò ex hac miseriarum valle,
ad gaudia coelestia evocatus, non minus hæctenus illas
continuarè, & cæptam telam texere perrexi, & jam co-
lophonem imposui, à Pace aurea, per aliquot lustra exu-
lante, tandem postliminio revocata & pristinae liberta-
ti restituta, extimulatus, in lucem emittere, & in alio-
rum, prout indubia spes affulget, commodum, publici
juris facere constituerim, ne labor ille à me susceptus,
planè esset irritus. Hisce adjungere placuit consultatio-
nes cum diversarum Regionum Medicis habitas, & Epi-
stolas de variis rebus Medico-philosophicis dillerentes,

) (2

ab

EPISTOLA

ab iis, cum quibus communicatæ, candidè laudatas, eò majorem concipio spem, eas aliis etiam Lectoribus haud fore inacceptas. Cum autem meditabundus, cui illas dedicare, velut Tutelari, pro more veteri, deberem, vos Viri Nobiliss. & Ampliss. occurristis, quibus ob causas prægnantes, istum meum genuinum ingenii partum, aliàs orphanum, ad patrocinium suscipiendum, in clientelam tradere, æquum duxi. Cum enim antè 30. annos pro Medico ordinario receptus, postmodum defuncto Clariss. Dn. D. Horstio, pro Directore ac Seniore Collegii Medici constitutus, tandem vacante Scholarchatu Gymnasii, cum à venerando conventu Scholico, communi calculo atque suffragio, pro Scholarcha electus ac denominatus, Inclytus Senatus sua Autoritate, illorum vota rata habuit ac confirmavit.

Accedit, quod sub vite & Ficu jam ultra 30. annos desæviente Bellona, vitam tranquilliozem, ab exagitatione & exactione hostili securiorem transigere licitum, id assigno inprimis Dei Opt. Max. clementiæ ac providentiæ, post etiam singulari vestræ prudentiæ, paternæ curæ ac solitudini & münificentiæ, dum nullis pepercistis sumptibus, vestrum ærarium amplissimum exhaurire, & ad placandos adversarios, liberali manu, elargiri non dubitastis, & ita remora objecta, quo minus animo hostili, in nos grassari & persequi quierint.

Referunt historici, cum Urbs Gibelterra ab Albero, Johannis Regis Hispaniæ Duce graviter obsessa, Mau-

DEDICATORIA.

ros fame coactos, duodecim Mulos ficibus onustos, cuique ficui aureo ducato inserto, per Agasonem in illius tentorium agitandos curasse, & percontari num expedire putaret, arborem tam speciosos fructus ferentem refecare, vel sartam tectam conservare? Exin Dux ille Author ac Suasor, de obsidione solvenda, & illis in gratiam recipiendis. O miram & salutiferam solertiam!

Haud secus, vos liberalitatem exercendo in officarios primates, eorum benevolentiam vobis conciliastis, ut post consultores suorum principalium, ad connivendum & parcendum. O laudabile ac providum factum, ad omnes posteros transmittendum. O medium omnibus civibus salutare ac proficuum, & in ævum celebrandum!

Sed Deus Opt. Max. tandem miseratus est calamitatem ærumnosi status Germaniæ, bonum Angelum cælitus demisit & ablegavit in Aulas Principum, ad inspirandum, ad impellendum ac flectendum, eorum animos, pacis componendæ causa, accommodata media suggerendo & tamdiu urgendo, dum remolliti ac devicti, ad illam solenniter promulgandam. Quod fælix faustumque sit, ut ea potiri ac frui liceat stabili, usque ad consummationem seculi. Pro monumento auspiciati Pacis Nuntii, Tabellam quasi votivam, hæc meas lucubratiunculas, ad Aram MNEMOSYNES, suspendere, offerre ac dedicare volui.

Quare vos Patres Patriæ Nobiliss. & Ampliss. de-

EPIST. DEDICAT.

missè rogatos velim, istam meam legitimam, & ut spero, frugi sobolem, bona intentione, gratitudinis & observantiæ causa oblatam, serena fronte excipere, fovere & tueri, ne dedignemini, eò magis, cum jam excesserim annum octogesimum secundum (etsi Ente & Mente adhuc sat vegetus) non minus ob tam grandævam ætatē haud magna spes diuturnioris vitæ concipienda, quin relicto terreno hoc domicilio, me ad cælites translato, vos illius Patroni residui, ad vim tutelarem exerendam. Hisce V. A. divinæ protectioni commendo, & me favoris vestri vobis gratiosè complectendū trado, à Supremo rerum omniū Directore & Pacis Authore, Ecclesiæ & Politicæ tranquillitatem, corporis & mentis incolumitatem, in hoc ævo, & in illo, decurso hujus vitæ stadio, æternam beatitatem voveo optoque. Ulmæ ex Museo die S. Michaeli sacrato, anno Salutis & Pacis aureæ restitutæ 1649.

Magn. Ampl. & Prud. V.

Observantissimus

Augustinus Thonerus D.

FRÆLC